

Instructions for Page

Relief file Quantity of property note

382
+ 21

1915

328
d-21

0120-10

ԺԱՄԱՆԱԿԱԻՈՐ

ՆԵՐՔԻՆ ԿԱՆՈՆԱԴՐՈՒԹԻՒՆ

ՀԱՅՈՑ ԵԿԵՂԵՑԱԿԱՆ-ԾԽԱԿԱՆ ԴՊՐՈՑՆԵՐԻ

Ս. ԷԶՄԻԱՆԻՆ

Էլեկտրոնային Տպարանի Մալի Արտոյ

1915

372
d-21

8/29

4-21

25 APR 2013

312

4-21

ԺԱՄԱՆԱԿԱԴՈՐ

ՆԵՐՔԻՆ ԿԱՆՈՆԱԴՐՈՒԹԻՒՆ

ՀԱՅՈՑ ԵԿԵՂԵՑԱԿԱՆ-ԾԽԱԿԱՆ ԴՊՐՈՑՆԵՐԻ

հ
է
Տ
Ը
Ն



Ս. ԷԶՄԻԱՆԻՆ

ԷԼԵԽՏՐՈՆԱԿԱՆ ՏՊԱԳՐԱՆ ՄԱՅՐ ԱՐՈՂՅ

1915

Հաստատեմք զայս Ժամանակաւոր Ներքին
Պառնադրութիւն եկեղեցական-ծխական դպրո-
ցաց Հայոց եւ տամք ի գործադրութիւն:

Գ Է Ո Ր Գ Ե.

ԿԱԹՈՒՂԻԿՈՍ ԱՍԵՆԱՅՆ ՀԱՅՈՑ

յ7 Ապրիլի 1915 թի

Ս. Էջմիածին

Ժ.Ա.Մ.Ա.Ն.Ա.ԿԱ.ԻՈՐ

ՆԵՐՔԻՆ ԿԱՆՈՆԱԴՐՈՒԹԻՒՆ ՀԱՅՈՑ ԵԿԵՂԵՑԱԿԱՆ-ԾԽԱԿԱՆ ԴՊՐՈՑՆԵՐԻ

Ա.

ԸՆԴՀԱՆՈՒՐ ԿԱՆՈՆՆԵՐ.

1. Հայոց եկեղեցական-ծխական դպրոցները բացւում են քաղաքներում և գիւղերում, ծխական համայնքների մէջ, և վանքերին կից, երկու սեռի մանուկներին կրթութիւն և կարևոր գիտելիքներ տալու համար:

2. Եկեղեցական-ծխական դպրոցների բացումը հաս-
հաստատւում է Ամենայն Հայոց Կաթողիկոսի Կոնդակով և դպրոցները կառավարւում են համաձայն այս ժամա-
նակաւոր ներքին կանոնադրութեան:

Ծանօթ. Ծխական համայնքը նոր դպրոց բա-
նալու համար պէտք է որոշէ դպրոցի պահպանութեան
աղբիւրներն և ներկայացնէ թեմական իշխանութեան:

3. Եկեղեցական-ծխական դպրոցները երկու կարգի
են. — միջտեսան՝ մինչև չորսամեայ դասընթացով և երկ-
դասեան՝ մինչև վեցամեայ դասընթացով:

Ծանօթ. Ծխական համայնքները կարող են դըպ-
րոցներին կից բանալ և մանկական պարտէզներ:

4. Մի քանի ծխական համայնքներ կարող են միացեալ ուժերով մի կենտրոնական եկեղեցական-ծխական դպրոց պահել այնտեղ, որտեղ յարմար կգտան այդ համայնքները:

5. Եկեղեցական-ծխական դպրոցները լինում են՝ տղայոց, օրիորդաց կամ խառն:

6. Եկեղեցական-ծխական դպրոցի պահպանութեան աղբիւրներն են.

ա. Տարեկան նպաստ եկեղեցիներից, ուխտատեղերից և վանքերից.

բ. Ծխական տուրք (դրամով կամ բերքով մշտական կամ միանուագ).

գ. Աշակերտների թոշակ,

դ. Համայնական եկամուտներ (ջրաղացի, կրպակի, մսի վաճառքի մենաշնորհներից, արօտատեղիներից, խոտահարքներից և այլն),

ե. Դպրոցական ֆոնդից,

զ. Կամաւոր նուէրներ, նպաստներ հաստատութիւններից և անհատներից,

է. և այլ պատահական եկամուտներ:

7. Միգասեան դպրոցը երկգասեան դարձնելու, կամ գոյութիւն ունեցող դպրոցի դասարանների թիւը աւելացնելու դէպքում, համայնքն այդ մասին յայտնում է թեմական իշխանութեան ի գիտութիւն, իսկ երկգասեան դպրոցը միգասեանի վերածելու, կամ գոյութիւն ունեցող դասարանների թիւը կրճատելու կամ փակելու դէպքում համայնքը խնդրում է թեմական իշխանութեան թոյլտուութիւնը:

8. Եկեղեցական-ծխական դպրոցն ունի իւր պաշտօնական կնիքը սահմանուած ձևով:

Բ.

ԹԵՄԱԿԱԼ ԱՌՍՋՆՈՐԴ.

9. Առաջնորդը հսկում է իւր թեմի եկեղեցական ծխական դպրոցների վրայ և պատասխանատու է Ամենայն Հայոց Կաթողիկոսի առաջ:

10. Առաջնորդը իւրաքանչիւր դպրոցի բացման մասին ղեկուցանում է Վեհափառ Կաթողիկոսին և խնդրում հաստատութեան Կոնդակ:

11. Առաջնորդը յատուկ ղեկուցադրեր է ներկայացնում Ամենայն Հայոց Կաթողիկոսին ամեն մի դպրոցի փակման պատճառների մասին անմիջապէս:

12. Առաջնորդն ընտրում է մի կամ մի քանի թեմական Տեսուչներ և ներկայացնում է Ամենայն Հայոց Կաթողիկոսին ի հաստատութիւն:

13. Առաջնորդը թեմի դպրոցական բոլոր գործերը վարում է թեմական Տեսչի կամ Տեսուչների միջոցով:

14. Առաջնորդը հաստատում է աւագ ուսուցիչներին, դասատուներին և հոգաբարձուներին, իսկ ծխական Ժողովից ընտրուած դպրոցի խնամակալներին կամ պատուաւոր հոգաբարձուներին ներկայացնում է Ամենայն Հայոց Կաթողիկոսին ի հաստատութիւն:

Ծանօթ. Առաջնորդը աւագ-ուսուցչի և դասատուների ընտրութեան վճռի մասին իւր որոշումը հաղորդում է հոգաբարձութեան արձանագրութիւնն ստանալու օրից երկու շաբաթուայ ընթացքում, իսկ տարեմիջին ինքնակամ հեռացող ուսուցչի մասին անում է առանձին կարգադրութիւն:

15. Առաջնորդը քննում ու հաստատում է դպրոցական նախահաշիւն ստանալուց տասն օրուայ ընթացքում, իսկ նախորդ տարուայ ել և մտից հաշիւը երեք ամսուայ ընթացքում:

16. Առաջնորդը քննում և լուծում է դպրոցական մարմինների ու պաշտօնեաների միջև ծագած տարաձայնութիւնները և նրանց դէմ եղած բողոքները, նախապէս թեմական տեսչից զեկուցում կամ բացատրութիւն ստանալով:

17. Առաջնորդը կարեւոր դէպքերում դպրոցական խնդիրների վերաբերմամբ հրահանգներ է տալիս համաձայն սոյն կանոնադրութեան սահմանների և զեկուցանում է Վեհափառ Կաթողիկոսին:

18. Առաջնորդը ամեն ուսումնական տարուայ վերջում ուսումնական և տնտեսական տեղեկագիր և զեկուցումն է ներկայացնում Ամենայն Հայոց Կաթողիկոսին թեմի բոլոր եկեղեցական ծխական դպրոցների մասին:

Գ.

ԹԵՄԱԿԱՆ ՏԵՍՈՒՉ.

19. Թեմական Տեսուչները պէտք է ունենան առնուազն միջնակարգ կրթութիւն և հինգ տարուայ մանկավարժական փորձառութիւն, իսկ բարձրագոյն կամ մանկավարժական մասնագիտական կրթութիւն ստացած անձինք երեք տարուայ ուսուցչական փորձառութիւն:

20. Թեմական Տեսուչը հետևում է, որ ընդունուած դպրոցական ծրագիրն ու կանոնադրութիւնը և հրահանգները ճշտութեամբ դործադրուեն, չգործադրուելու կամ

շեղումների դէպքում պէտք է ազդուութիւն տայ և ի հարկին զեկուցանէ թեմական իշխանութեան:

Ծանօթ. Թեմական տեսուչը դպրոցի կրթական և վարչական վիճակի մասին իւր դիտողութիւններն արձանագրում է յատուկ ժապաւինեալ մատեանի մէջ, որ պահւում է դպրոցում:

21. Թեմական տեսուչը դպրոցներն այցելում է տարին առնուազն երկու անգամ, մանրամասն ծանօթանում իւրաքանչիւր դպրոցի կրթական, վարչական, առողջապահական դրութեան հետ և համապատասխան հրահանգներ է տալիս, իսկ տնտեսական խնդիրների մասին ծանօթանում և զեկուցանում է թեմական իշխանութեան:

22. Թեմական տեսուչը իւր այցելութիւնների միջոցին ըստ հնարաւորութեան կազմակերպում է փորձնական դասեր:

23. Հարկ եղած դէպքում թեմական տեսուչը հրաւիրում է մանկավարժական, հոգաբարձական և խառն ժողովներ իւր նախադասութեամբ: Իսկ ծխական ժողովներ՝ համաձեայն Ծխ. Կանոնադրութեան 8-րդ յօդուածի Ա. կետի:

24. Թեմական տեսուչը քննութեան է ենթարկում ուսուցչական խմբերի, հոգաբարձութիւնների մէջ ծագած թիւրիմացութիւնները, վէճերը, նոյնպէս և հոգաբարձութեան և ուսուցիչների միջև առաջացած անհամաձայնութիւնները և, եթէ անձամբ չի կարողանում վերջ տալ այդ խնդիրներին, զեկուցանում է թեմական իշխանութեան:

25. Թեմական տեսուչը հետևում է, որ ուսուցիչները կանոնաւոր ստանան իրենց հասանելի ուժիկները:

26. Թեմական տեսուչը պէտք է հոգայ, որ գիւղերի որոշ խմբակցութիւններ ունենան մի մի կենտրոնական վեցամեայ դասընթացով դպրոց: (յօդ. 4)

27. Թեմական տեսուչը իւր բոլոր գործողութիւնների մասին պարբերաբար զեկուցումներ է ներկայացնում Թեմական իշխանութեան, իսկ ուսումնական տարուայ վերջը՝ ընդհանուր զեկուցում և տեղեկագիր:

28. Թեմական տեսուչը այցելում է դպրոց չունեցող վայրերը և ամեն կերպ աշխատում է բանալ նոր դպրոցներ:

29. Թեմական տեսուչն ունի կնիք և պահում է իւր դիւանը:

Ծանօթ. Դիւանի գործերը երեք տարուց յետոյ, եթէ կարեւորութիւնն անցնում է, յանձնում է Թեմական իշխանութեան:

Դ.

ՀՈԳԱՐԱՐԺՈՒԹԻՒՆ.

30. Դպրոցական հոգաբարձութիւնն է նոյն եկեղեցական-ծխական հոգաբարձական մարմինը, որ բաղկացած է 2—4 անդամներից, երկու անձնաւորութանորդներից և եկեղեցու երեսփոխանից հաւասար իրաւունքներով ու պատասխանատուութեամբ և պաշտօնավարում է երեք տարի: (տես Ծխական Կանոնադրութեան 36 յօդ.):

31. Հոգաբարձութիւնը իւր միջից ընտրում է նախագահ, նաև ընտրում կամ հրաւիրում է քարտուղար՝

Ծանօթ. ա. Հոգաբարձական բոլոր վճիռները կայանում են ժողովով և արձանագրւում են:

Ծանօթ. բ. Հոգաբարձութիւնը պահում է բոլոր

ստացուած գրութիւններն և իւր արձակած թղթերի պատճէնները, ինչպէս նաև ել և մտից մատեան:

32. Հոգաբարձութիւնը տարեկան մուտքի և ելքի նախահաշիւ է կազմում և ծխական ժողովի վաւերացումն ստանալուց յետոյ մինչև յունիսի 10-ը ուղարկում է Թեմական իշխանութեան ի հաստատութիւն:

33. Հոգաբարձութիւնն իւրաքանչիւր ուսման տարուայ վերջին իւր հաշիւները մուտքի և ելքի փաստաթղթերի հետ միասին յանձնում է ի քննութիւն ծխական ժողովի կողմից ընտրուած վերաստուգիչ յանձնաժողովին, և այդ դիմումութիւնը ծխական ժողովի արձանագրութեան հետ միասին ուղարկում է Թեմական իշխանութեան:

34. Հոգաբարձութիւնը ստանում է Առաջնորդից երեք ժապաւինեալ մատեան, որոնցից մէկի մէջ արձանագրւում է դպրոցի մուտքն ու ելքը, միւսի մէջ՝ դպրոցի կահաւորսիքը (ինվենտար), իսկ երրորդի մէջ՝ իւր ժողովների արձանագրութիւնները:

35. Հոգաբարձութիւնը պարտաւոր է համաձայն դրպրոցի կարողութեան նախաճաշուի մէջ մտցնել և գործադրել իւրաքանչիւր տարի գրադարանի և դասական պիտոյքների համար ի նկատի առնուած ծախքերը:

36. Հոգաբարձութիւնը պարտաւոր է հոգ տանել դրպրոցի շէնքի և աշակերտների առողջապահական պայմանների մասին, ըստ հնարաւորութեան հրաւիրել բժիշկ և պահել տնային զեղատուն:

Ծանօթ. Դպրոցական բժիշկը դպրոցական-առողջապահական խնդիրներում մանկավարժական և հոգաբարձական ժողովներին մասնակցում է ձայնի իրաւունքով:

37. Հոգաբարձուներն իրաւունք ունին ներկայ լինե-

լու դասերին, ստուգումներին և քննութիւններին առանց միջամտութեան և նկատողութիւններին. իրենց դիտողութիւններին մասին խորհրդակցում են աւագ-ուսուցչի կամ ուսուցչի հետ, իսկ չբաւարարուելու դէպքում յայտնում են թեմական տեսչին:

38. Հոգաբարձութիւնը թեմակալ Առաջնորդի կարգադրութիւնը ստանալուց մի ամսուայ ընթացքում (տես. յօդ. 14-ի ծանօթութիւնը) ընտրում է աւագ ուսուցիչ Հոգևոր Ծայրագոյն Իշխանութեան հրատարակած ուսուցչական ցուցակից և ներկայացնում է թեմակալ Առաջնորդին հաստատութեան: Միւս ուսուցիչներին և վերակացուներին, բացի նոյն դպրոցում արդէն պաշտօնի մէջ գտնուող դասատուներից, հոգաբարձութիւնը և աւագ ուսուցիչը ընտրում են փոխադարձ համաձայնութեամբ՝ առաջարկած թեկնածուներից մինչև օգոստոսի 1-ը և ներկայացնում թեմական իշխանութեան ի հաստատութիւն:

Ծանօթ. Ուսուցչական ցուցակի մէջ չեղած թեկնածուին առաջարկելիս հոգաբարձութիւնն ուղարկում է թեմակալ Առաջնորդին թեկնածուի վկայագրի վաւերացրած պատճէնը:

39. Հոգաբարձուն չի կարող նոյն դպրոցում աւագ-ուսուցիչ, դասատու և վերակացու լինել:

40. Հոգաբարձութիւնը ոչ ուշ քան մինչև յունիսի 10-ը պատճառաբանուած յայտարարութիւն է ուղարկում թեմական տեսչին և մանրամասն բացատրում այն պատճառները, որոնցով ցանկալի չի համարում աւագ ուսուցչի կամ դասատուի պաշտօնավարութիւնը և խնդրում է իւր որոշման հաստատութիւնը թեմական իշխանութիւնից:

Ծանօթ. Առաջնորդը նախ քան հոգաբարձութեան վճռի հաստատելը բացատրութիւն է պահանջում ամբաստանեալից:

41. Հոգաբարձութիւնը հսկում է, որ աւագ ուսուցիչը և միւս դպրոցական պաշտօնեաները ճշտութեամբ կատարեն իրենց պարտաւորութիւններն և իւր նկատած զանցառութիւնների մասին յայտնում է թեմական տեսչին:

42. Հոգաբարձութիւնն աւագ ուսուցչի և ուսուցիչների տարեկան ռոճիկը բաշխում է 12 հաւասար մասի և վճարում է իւրաքանչիւր ամիս ոչ ուշ քան ամսուայ վերջը:

Ծանօթ. Մէկ կամ երկու ուսուցիչ ունեցող գիւղական դպրոցի հոգաբարձութիւնը աւագ ուսուցիչների և ուսուցիչների տարեկան ռոճիկը բաշխում է ինն հաւասար մասի և վերջին ամսականը վճարում է դպրոցական պարապմունքների աւարտին:

43. Հոգաբարձութիւնն անհրաժեշտ դէպքում արձակուրդ է տալիս աւագ ուսուցչին, ուսուցիչներին և վերակացուին մինչև եօթն օր, իսկ աւելի երկար ժամանակի համար զիմում է թեմակալ Առաջնորդին:

44. Հոգաբարձութիւնը որոշում է թոշակաւոր և ձրիավարժ աշակերտ-աշակերտուհիներին, թոշակի քանակը և ստացման ժամանակները:

Ծանօթ. Թոշակների գանձման եղանակը որոշւում է հոգաբարձութեան և աւագ ուսուցչի փոխադարձ համաձայնութեամբ:

45. Պաշտօնավարութիւնը լրացրած հոգաբարձութիւնը պարտաւոր է դպրոցական բոլոր հաշիւներն ու գործերը, մնացած զումարն ու կահ-կարասիքը յանձնել նորահաստատ հոգաբարձութեան: (Մխ. Կան. յ. 42)

46. Հոգաբարձութեան ներկայացուցիչը մասնակցում է մանկավարժական ժողովներին ձայնի իրաւունքով:

47. Հոգաբարձութիւնը առնուազն ամիսը մի անգամ նիստ է դումարում:

ե.

ԱԻԱԳ — ՈՒՍՈՒՅԻԶ.

48. Աւագ-ուսուցիչը կամ աւագ-ուսուցչուհին ընտրուում է ուսուցչական ընդհանուր ցուցակի մէջ նշանակուած և առնուազն եռամեայ դպրոցական փորձառութիւն ունեցող անձերից:

Մանօր. ա. Եռամեայ փորձառութիւն չունեցողները հրաւիրուում են որպէս պաշտօնակատար աւագ ուսուցչի:

Մանօր. բ. Երկուսից ոչ աւելի ուսուցիչ ունեցող դպրոցների համար բացառութիւն է լինում:

49. Աւագ-ուսուցիչը պաշտօնից արձակուում է համաձայն յօդ. 40-ի:

50. Աւագ-ուսուցիչը պաշտօն ստանձնելիս ցուցակով ստանում է դպրոցական բոլոր գործերն ու իրերը հոգաբարձութիւնից և նոյն կարգով յանձնում է պաշտօնը թողնելու ժամանակ:

51. Աւագ-ուսուցիչը մասնակցում է ուսուցչի ընտրութեանը համաձայն 38 յօդուածի:

52. Աւագ-ուսուցիչն է դպրոցի մերձաւոր հսկողը ըստ կրթական և վարչական մասերի: Նա —

ա. Նախագահում է մանկավարժական խորհրդին:

բ. Վերահսկում է ծրագրի, թեմակալ Առաջնորդի, թեմական Տեսչի, մանկավարժական Ժողովների որոշումների ճիշտ գործադրութեան և դպրոցական օրագրական ու դասարանական այլ և այլ մատեանների կանոնաւոր վարման:

գ. Պահանջում է ուսուցիչներից անցած նիւթի մասին կիսամեայ ծրագիրը դեկտեմբ. 15-ին և տալեկան ծրագիր՝ մայիսի 15-ին:

դ. Վերահասու է լինում դասաւանդութեան և յաճախում է ուսուցիչների դասերին, վերահսկում է դաստիարակութեան և կարգապահութեան, խորհրդակցում է դասատուների, դաստիարակների, վերակացուների, ինչպէս նաև ծնողների հետ, կարևոր խնդիրները մանկավարժական կամ հոգաբարձական Ժողովների խորհրդակցութեան առարկայ է դարձնում:

ե. Թեմական տեսչին և հոգաբարձութեանը ներկայացնում է միամեայ ընդարձակ տեղեկագիր դպրոցի ուսումնական և բարոյական կեանքի կարևոր երևոյթների վերաբերեալ՝ բացառութեամբ հանդերձ, ուսման տարուայ վերջը՝ մինչև յունիսի 5-ը:

զ. Աւագ-ուսուցիչը պարտաւոր է դպրոցում դասեր ունենալ ըստ կարելոյն սահմանափակ թուով (մի-դասեան՝ դպրոցում շաբաթական առ առաւելն 20, իսկ երկդասեանում՝ 18,) և առաջին դասի սկզբից մինչև պարապմունքների վերջը՝ դպրոցում լինել:

է. Աւագ-ուսուցիչը պարտաւոր է ազատ ժամերին բոլոր ուսուցիչների աւանդած բոլոր առարկաներին ներկայ լինել, երբեմն նոյնիսկ իւր և միւս դասատուների օրուայ դասերի ընթացքի մէջ փոփոխութիւն մտցնելով և դասերի այցելելու մասին արձանագրում է օրագրական մատեանում:

ը. Հսկում է, որ աշակերտները կանոնաւոր յաճախեն դասերին:

թ. Հսկում է, որ դասատուները առանց յարգելի պատ-

ճառի և նախապէս յայտնելու չբացակայեն:

ժ. Դպրոցական կեանքի մէջ պատահած ամեն մի արտակարգ դէպքի մասին պարտաւոր է անմիջապէս զեկուցանել հոգաբարձութեան, մանկավարժական ժողովին և հարկ եղած դէպքում նաև թեմական տեսչին:

ժա. Հոգում է պատրաստելու ուսման աւարտման վկայականները և հոգաբարձութեան նախագահի, իւր և մանկավարժական ժողովի քարտուղարի ստորագրութեամբ, դպրոցական կնքով վաւերացնելով, պատճէնները դպրոցական յատուկ մատեանի մէջ մտցնելուց յետոյ, տալիս է ծնողներին կամ խնամակալներին, ստացողի ստորագրութեամբ նոյն մատեանում:

ժբ. Աւագ-ուսուցիչը պարտաւոր է հոգաբարձական ժողովներում պարբերաբար զեկուցումներ տալ դպրոցի յառաջադիմութեան և առհասարակ ընդհանուր վիճակի մասին, իսկ տարուայ վերջը ծխականների առաջ և տարեկան աւտի մէջ կարգաւ դպրոցի մասին ընդհանուր ուսումնական տեղեկագիր:

53. Աւագ-ուսուցիչը ներկայ է լինում հոգաբարձական ժողովներին՝ դպրոցին վերաբերեալ խնդիրներում ձայնի իրաւունքով: (Ծխակ. կանոնադր. 40 յօդ.)

Ծանօթ. Տնտեսական խնդիրների քննութեան և լուծման ժամանակ աւագ ուսուցիչը մասնակցում է խորհրդակցական ձայնով:

54. Աւագ ուսուցիչը մինչև երեք օր արձակուրդ է տալիս դասատուներին, հոգում է բացակայող ուսուցչի ազատ դասերի համար և զեկուցանում է հոգաբարձութեան ի գիտութիւն:

55. Աւագ ուսուցիչը հոգաբարձութեան թոյլտուութեամբ միայն եօթ օր բացակայելու դէպքում ինքն է նշանակում իւր պաշտօնակատարին և յայտնում հոգաբարձութեան ի գիտութիւն:

56. Աշակերտութեան մէջ որ և է արտակարգ դէպք պատահելիս աւագ ուսուցիչն իրաւունք ունի դիմել վարչական միջոցների և ժամանակաւորապէս կարող է հեռացնել աշակերտին, անմիջապէս հրաւիրելով մանկավարժական ժողով խորհրդակցելու և որոշում կայացնելու:

57. Ուսուցիչների մէջ ծագած թիւրիմացութիւնների և վէճերի դէպքում աւագ ուսուցիչը ամեն կերպ աշխատում է վերջ տալ, իսկ չյաջողուելու դէպքում պաշտօնապէս զեկուցանում է հոգաբարձութեանը և թեմական տեսչին:

2.

ՄԱՆԿԱՎԱՐԺԱԿԱՆ ԽՈՐՀՈՒՐԴ.

58. Մանկավարժական խորհուրդը կազմում է դպրոցի բոլոր ուսուցիչներից, վերակացուններից և դպրոցական բժշկից՝ աւագ ուսուցչի նախագահութեամբ:

59. Մանկավարժական ժողովները լինում են հերթական և արտակարգ, հերթական ժողովները գումարւում են առնուազն երկու շաբաթը մի անգամ:

60. Մանկավարժական խորհրդի զբաղման խնդիրներն են.

ա. Աշակերտների ընդունելութիւնը.

բ. Աշակերտների փոխադրութեան, վերաքննութեան, մնալու և աւատման խնդիրները:

գ. Տնտրակների և այլ դասական պիտոյքների, աշա-

կերտական և հիմնական գրադարանների գրքերի ընտրութիւնը:

դ. Դասագրքեր ընտրելու խնդիրը քննում է մանկավարժական ժողովը:

Մանօր. ա. եթէ դասատուն համաձայն չէ մանկավարժական ժողովի որոշման հետ, դասատուի պատասխանատուութեամբ են ընտրւում դասագիրքը:

Մանօր. բ. Դասագրքերը ընտրւում են միմիայն Մայր. Հոգևոր իշխանութեան ընդունած դասագրքերից:


ե. Պարբերական խորհրդակցութիւն աշակերտների ուսման, ընթերցանելի գրքերի (ըստ դասարանների), դաստիարակութեան, կարգապահութեան, առողջապահութեան և հերթական խնդիրների մասին:

զ. Իւրաքանչիւր բաժանմունքի համար դաստիարակներ ընտրելու խնդիրը:

է. Դպրոցական երեկոյթներ, ցերեկոյթներ, մանկական ներկայացումներ, զբօսանքներ կազմակերպելը. իսկ էքսկուրսիաներ և ծնողական ժողովներ կազմակերպելիս նախապէս խորհրդակցում է հոգաբարձութեան հետ:

ը. Քննութիւն տարեկան տեղեկագրի ուսումնական մասի:

թ. Մանկավարժական ժողովն ընտրում է իւր միջից բարատուար:



է.

ՈՒՍՈՒՑԻՉ—ՈՒՍՈՒՅՈՒՆՆԵՐ

61. Ուսուցչական իրաւունք ունի այն անձը, որի անունը մուծուած է Վեհափառ Կաթողիկոսից հաստատուած ընդհանուր ցուցակի մէջ:

Մանօր. Այն անձը, որ իւր վկայականով արտօնւում է ուսուցչութեան, բայց ժամանակ չի ունեցել իւր անունը ընդհանուր ցուցակի մէջ մուծել տալու, կարող է ուսուցիչ հրաւիրուել Առաջնորդի գիտութեամբ: (Տես 38 յօդ. ծան.)

62. Աւագ ուսուցիչը և ուսուցիչները հրաւիրւում են անորոշ ժամանակով:

63. Ուսուցիչը ուսման տարուայ վերջին պաշտօնից հրաժարուելու դէպքում պարտաւոր է հրաժարագիր ներկայացնել հոգաբարձութեան և թեմակալ Առաջնորդին մինչև յուլիսի 1-ը ի գիտութիւն:

64. Ուսուցչի կամ ուսուցչուհու հիւանդութեան կամ օրինական պատճառներով ստիպողաբար բացակայելու դէպքում նրա դասերը բաշխւում են միւս ուսուցիչների մէջ ձրիաբար մինչև երկու ամիս, իսկ հիւանդութեան աւելի երկար տևելու դէպքում՝ ուճկի կէսն ստանում է հիւանդը, իսկ միւս կէսը՝ նրա փոխարէն պարապողները մինչև տարուայ վերջը:

Մանօր. եթէ միջոցները ներում են, հոգաբարձութիւնը հիւանդ ուսուցչին տալիս է ամբողջ ուճիկը:

65. Ուսուցիչը կարող է ստանձնել շաբաթական ոչ աւելի քան 24 դաս, բացի այն դէպքերից, երբ դպրոցն ունի ընդամէնը մէկ կամ երկու դասատու:



Ծանօթ. Հոգաբարձութիւնը մի ուսուցչի այս չափից աւելի դասեր տալու ծայրայեղ դէպքերում բացատրութիւն է տալիս թեմական տեսչին:

66. Ուսուցիչը հրաւիրւում է դասերի որոշ թուով: Հետեւեալ տարին դասերի մէջ առաջ եկած փոփոխութեան դէպքում, ուսուցչի դասերի թիւը կարող է պակասել $\frac{1}{6}$ -ից ոչ աւելի, բացի դասարան փակուելու դէպքից:

Ը.

ԱՇԱԿԵՐՏՆԵՐ ԵՒ ԱՇԱԿԵՐՏՈՒՀԻՆԵՐ.

67. Եկեղեցական-ծխական դպրոց մտնելու ցանկութիւն ունեցողների խնդիրները տրւում են հոգաբարձութեան, ներկայացնելով ծննդեան վկայական կամ քաղաածք և հնարաւոր դէպքում՝ ծաղկի պատուաստման վկայական:

68. Աշակերտների ընդունելութիւնը լինում է ուսման տարուայ սկզբին, յունվարին և տարեվերջին, իսկ արտակարգ դէպքերում՝ նաև տարուայ ընթացքում՝ վարչութեան թոյլտուութեամբ:

69. Եկեղեցական-ծխական դպրոցների առաջին բաժանմունք կարող են մտնել 7-ից ոչ պակաս և 9-ից ոչ աւելի հասակ ունեցողները:

70. Յետաֆնաց աշակերտ-աշակերտուհիները կարող են մի տարի ևս մնալ նոյն դասարանում:

Ծանօթ. Հիւանդութեան և այլ յարգելի պատճառներով յետաֆնացներին մանկավարժական խորհուրդը կարող է աւելի ժամանակ տալ:

71. Ամեն մի բաժանմունքի աշակերտների թիւը 50-ից աւելի չպէտք է լինի, իսկ եթէ հարկ լինի մի սենեակում

միաւորեալ մի քանի բաժանմունք տեղաւորել, այս դէպքում ընդհանուր թիւը 65-ից չպէտք է անցնի:

72. Աշակերտները վճարում են թոշակ:

Ծանօթ. Վկայուած չքաւոր աշակերտ-աշակերտուհիները ազատւում են թոշակից հոգաբարձութեան կարգադրութեամբ:

Թ.

Ո Ի Ս Ո Ի Մ Ն.

73. Հայոց եկեղեցական-ծխական դպրոցների համար պարտադիր են այն բոլոր ուսմունքները, որոնք սահմանուած են Ամենայն Հայոց Կաթողիկոսի հրատարակած առանձին ծրագրով:

Ծանօթ. Ծրագրով սահմանուած ուսմունքներից դուրս որ և է ուսմունք կամ արհեստ աւանդելու դէպքում անհրաժեշտ է ստանալ թեմական իշխանութեան միջնորդութեամբ Վեհափառ Կաթողիկոսի թոյլթուութիւնը:

74. Առարկաների դասաւանդութիւնը լինում է հայոց լեզուով, բացի ռուսաց լեզուից, ռուսաց պատմութիւնից և ռուսաստանի աշխարհագրութիւնից, որոնք ռուսաց լեզուով են աւանդուում:

75. Ուսումը սկսում է սեպտեմբերի 1-ին և ստուգումների և այլ պարապմունքների հետ միասին վերջանում է մայիսի 31-ին:

Ծանօթ. ա. Աշակերտների ընդունելութիւնը, վերաքննութիւններն ու քննութիւնները վերջանում են մինչև սեպտեմբերի 1-ը:

Ծանօթ. բ. Ըստ տեղական կլիմայական և այլ

պայմանները ուսման ժամանակամիջոցի ընդհանուր տեղութեան մէջ փոփոխութիւն մտցնելու համար հրատարակուելու են առանձին հրահանգութիւններ:

76. Դպրոցական տօները լինում են Ամենայն Հայոց Կաթողիկոսի կողմից տրուած առանձին ցուցակի համաձայն:

77. Դասերը տեղում են 45-ական ըռպէ:

Ծանօթ. ա. Դասերը սկսւում են նայելով տարուայ եղանակներին և տեղական պայմաններին 8-ից մինչև 9 ժամը, իսկ այս սահմանից դուրս ժամերի փոփոխութիւնը լինում է թեմական իշխանութեան թոյլտրութեամբ:

Ծանօթ. բ. Դասամիջոցների տեղութիւնը 10—15 ըռպէ, իսկ մեծ դասամիջոցինը՝ 25—30 ըռպէ, համաձայն թեմական իշխանութեան որոշման:



ՀՀ Ազգային գրադարան



NL022975

50. 328